




Arraianas

Memoria anual
2023



**Réxime
xurídico**

**Lei Orgánica 1/2002,
do 22 de marzo,
reguladora do Dereito
de Asociación**

**Resistro
Asociación**

**Rexistro Central de
Asociacións da Xunta
de Galicia**

**Nº de
Inscripción**

2008/12168-1


**Data de
Inscripción**

26 de agosto de 2008

NIF

G70179189

ÍNDICE



01 A nosa entidade

02 Os nosos fins

03 As actividades desenvoltas

04 Equipo Humano

05 Recomendacións futuras

06 Conclusións

01

A nosa entidade

Somos unha asociación sin ánimo de lucro, independente de calquera ideoloxía política e relixión. Arraianas nace no ano 2008, pero no é ata 2019, en plena pandemia pola COVID-19, que se configura o proxecto definitivo que se está a desenvolver na actualidade. A día de hoxe temos unha base social de 91 persoas que agardamos siga a crecer.

Nesta nova etapa da entidade, propuxémonos como misión combater e previr as desigualdades da nosa sociedade, actuando de ponte (a través da prestación de servicios profesionais de calidade) entre as persoas que carecen de recursos, medios e/ou información e a consecución dos seus dereitos, favorecendo deste xeito a transformación social.

A nosa visión supón acadar unha sociedade máis xusta, igualitaria e intercultural.

Os valores que definen a Arraianas son os seguintes:



02

Os nosos fins

- Velar pola defensa dos dereitos configurados na Declaración Universal dos Dereitos Humanos, traballando pola súa aplicación práctica para tódalas persoas.
- Promoción da integración, inclusión social e defensa de tódolos dereitos das persoas en risco ou situación de exclusión social. Prestarase especial atención ás persoas migrantes, refuxiadas e apátridas.
- Promoción dunha perspectiva de xénero. Prestarase atención á plena inclusión das mulleres vítimas de violencia de xénero, en contexto de prostitución, vítimas de trata de seres humanos e/ou tortura.
- Proporcionar apoio ás familias ao longo de todo o seu ciclo vital, especialmente ás monomarentais. Poñerase especial énfase na atención á infancia, terceira idade e persoas que viven en soidade ou illamento, favorecendo a comunicación e a cooperación intragrupo e intergrupo.
- Promoción e protección medioambiental e do eido rural, buscando de xeito especial incidir en posturas de consumo respectuoso co mesmo que favorezan o desenvolvemento sostible e comunitario.
- Contribuír á construción de sociedades interculturais e diversas que faciliten a convivencia e os procesos de inclusión, garantindo a igualdade de oportunidades, de trato e non discriminación de tódalas persoas que forman parte da sociedade. Procurarase a erradicación dos delitos de odio dirixidos a persoas especialmente vulnerables.
- Promoción da participación, transformación e activación social, a nivel asociativo e individual, de toda a poboación xeral, especialmente das persoas en risco de exclusión social.

...02

-Promover o desenvolvemento e ser axentes de cambio naquelas zonas xeográficas que por estaren afastadas, os colectivos en risco que alí residen non dispoñen dos recursos precisos para lograr unha igualdade de oportunidades. Procurarase contribuír á desaparición da fenda dixital.

-Adopción de posturas públicas de denuncia ante situacións de violación dos dereitos humanos, de violencia, de inxustiza social, efectos do cambio climático, etc. e ante calquera posible factor xerador de movementos humanos forzosos.

-Promoción da saúde colectiva e individual das persoas. Concibindo esta dende un enfoque integral. Facilitando o acceso a recursos de coidado e saúde mental, especialmente cando se trate de colectivos que, polas súas características, teñan dificultade de acceso ó mesmo. Neste senso, achegar recursos e traballar co obxectivo de promover relacións socio-afectivas sans.

-Fomentar a ampliación e creación de redes que faciliten e propicien o estudo e investigación das realidades sociais, así como o traballo coordinado entre as diferentes entidades públicas e privadas.

-Fomentar a formación e a sensibilización de toda a poboación, potenciando o voluntariado nas diferentes áreas de traballo da asociación.

03

Actividades desenvolvidas

A continuación relataranse as actividades e servizos levados a cabo ao longo do ano 2023. Explicaranse para cada unha as súas características, participantes e resultados obtidos.

MIGRANDI: Programa de asesoramento técnico especializado en materia de estranxeiría

O programa Migrandi, ("Inclusión Social e loita contra a pobreza" Operación cofinanciada parcialmente co Fondo Social Europeo Plus (FSE+) a través do programa FSE+ Galicia 2021-2027), está orientado ao asesoramento xurídico en materia de estranxeiría. A prestación deste servizo garda relación con múltiples especialidades do dereito (civil, laboral, penal ou administrativo), polo que implica a integración de diferentes perspectivas.

Partindo desta base, as principais accións a desenvolver no programa Migrandi son:

- Asesoramento e apoio nos trámites precisos para as autorizacións e renovacións de residencia.
- Homologacións de títulos.
- Reagrupamentos familiares.
- Nacionalidade e demais cuestións relacionadas coa nacionalidade.

Do mesmo xeito, o programa tamén contempla a prestación doutros servizos como:

- Asesoramento e acompañamento ante procedementos sancionadores.
- Seguimento das solicitudes de Protección Internacional, en aumento nos últimos anos. Esta necesidade implica un seguimento especializado e en coordinación coa Área Psicolóxica da entidade. A través deste traballo conxunto, prestarase un apoio psicoxurídico a aquelas solicitudes de protección internacional que o precisen. Este apoio xorde das especiais

...03

vulneracións dereitos e dificultades que soportan as persoas solicitantes nos seus países de orixe.

Tal e como a Xunta de Galicia establece como prioridade na súa Diagnose do programa FSE+ Galicia 2021-2027, a través da implementación do programa Migrandi, preténdese loitar contra as situacións de pobreza estrutural e severa e contra a privación material da poboación. Búscase asegurar deste xeito, a protección integral na orde xurídica, económica e social, das persoas e familias en situación de pobreza severa, persoas maiores e grupos especialmente vulnerables ou en exclusión (poboación xitana, reclusa, migrantes, persoas con diversidade funcional, etc.), así como a non estigmatización destas persoas.



Este programa desenvolveuse durante o mes de novembro do 2023. Non puido estenderse no tempo por cuestións de financiamento.



Foi levado a cabo por un único profesional con formación e experiencia en dereito de estranxeiría.



O custe de este proxecto foi de 543,9€ e foi financiado polo Fondo Social Europeo Plus (FSE+) a través do programa FSE+ Galicia 2021-2027.

As persoas atendidas neste programa estaban empadroadas nalgún concello da Comarca de Santiago ou nos concellos limítrofes a esta e atravesaban unha situación de vulnerabilidade por ser migrantes (esta situación estaba acreditada por un informe emitido por unha traballador/a social colexiado/a).



1 muller
atendida



2 homes
atendidos

...03

XERMOLLO: Proxecto de Inclusión básica para a poboación migrante

A finais do ano 2023 comeza a implementarse o Proxecto Xermolo, dirixido a facilitar a inclusión social, a participación activa e o fortalecemento de habilidades e coñecementos que lle permitan ás persoas migrantes desenvolverse de xeito autónomo na sociedade de acollida dende un principio. Trátase dun proxecto de inclusión social artellado en torno a unha serie de accións grupais e individuais que se complementan con outros recursos da contorna. Buscamos con isto fomentar a participación en diversas accións que lle proporcionen á persoa unha mellora no seu nivel de benestar.

Unha das características fundamentais deste proxecto é o apoio integral proporcionado ás persoas migrantes en situación de vulnerabilidade. Resulta importante na intervención con persoas nesta situación o apoio dende os eidos social, psicolóxico, sanitario, formativo e administrativo. Esta intervención supón a base para a consecución de dereitos básicos e para o fortalecemento persoal, condicións necesarias na intervención dirixida á inclusión social.

Este programa busca "Inclusión Social e loita contra a pobreza" e ademais, tal e como a Xunta de Galicia establece como prioridade na súa Diagnose do programa FSE+ Galicia 2021-2027, a través da implementación do proxecto Xermolo, preténdese loitar contra as situacións de pobreza estrutural e severa e contra a privación material da poboación. Búscase asegurar a protección integral na orde xurídica, económica e social, das persoas e familias en situación de pobreza severa, persoas maiores e grupos especialmente vulnerables ou en exclusión, así como a non estigmatización destas persoas.

Trátase dunha Operación cofinanciada parcialmente co Fondo Social Europeo Plus (FSE+) a través do programa FSE+ Galicia 2021-2027.



Este programa desenvólvese durante o mes de decembro do 2023 e a data prevista de finalización é o 30 de abril do 2025.

...03



Foi levado a cabo por tres profesionais con formación e experiencia na intervención con persoas migrantes.



O custe de este proxecto foi de 3.526€ e foi financiado polo Fondo Social Europeo Plus (FSE+) a través do programa FSE+ Galicia 2021-2027.

As persoas atendidas neste programa estaban empadroadas nalgún concello da Comarca de Santiago ou nos concellos limítrofes a esta e atravesaban unha situación de vulnerabilidade por ser migrantes (esta situación estaba acreditada por un informe emitido por unha traballador/a social colexiado/a).



6 mulleres
atendidas



7 homes
atendidos

AYNI: Programa de inclusión e transición ao emprego para persoas migrantes

O programa Ayni está dirixido a facilitar a inclusión social e laboral activa, a participación social e o desenvolvemento de habilidades e coñecementos que permitan ás persoas migrantes desenvolverse na sociedade de acollida, así como a mellora do seu nivel de empregabilidade. Para a consecución deste obxectivo desenvólvese un proxecto artellado en torno a unha serie de accións grupais e individuais que se complementan con outros recursos do sistema galego de servizos sociais existentes no ámbito territorial de acción.

Este programa conta cun alto grao de especificidade no apoio integral proporcionado ás persoas migrantes en situación de vulnerabilidade, incluíndo aqueles casos nos que a solicitude de protección internacional foi denegada, así como ás persoas solicitantes de protección internacional

...03

ou con concesión de estatuto de protección (refuxiadas, protección subsidiaria ou permiso temporal por razóns humanitarias).

Resulta importante na intervención con persoas destes colectivos un apoio desde os ámbitos social, psicolóxico e xurídico, polas características especiais do seu proceso migratorio e pola súa situación xurídica. Este tipo de intervención adoita ser a base na que se sustenta a consecución de dereitos, o fortalecemento persoal, e a inclusión social e laboral.

Ademais, a entidade leva acabo unha serie de accións de asesoramento e apoio técnico especializado no eido xurídico, formativo e de ocio. As persoas participantes do programa Ayni poderán acceder complementariamente a estas actividades.

Este programa busca "Inclusión Social e loita contra a pobreza" e ademais, tal e como a Xunta de Galicia establece como prioridade na súa Diagnose do programa FSE+ Galicia 2021-2027, a través da implementación do programa Ayni, preténdese loitar contra as situacións de pobreza estrutural e severa e contra a privación material da poboación. Búscase asegurar a protección integral na orde xurídica, económica e social, das persoas e familias en situación de pobreza severa, persoas maiores e grupos especialmente vulnerables ou en exclusión, así como a non estigmatización destas persoas.

Trátase dunha Operación cofinanciada parcialmente co Fondo Social Europeo Plus (FSE+) a través do programa FSE+ Galicia 2021-2027.



Este programa desenvolveuse durante 11 meses con un parón no mes de maio de cara a preparar o segundo periodo financiado durante o ano 2023. Ten unha duración prevista ata o 30 de abril do 2025.



Foi levado a cabo por 4 profesionais con formación e experiencia na inclusión social e laboral das persoas migrantes.



O custe de este proxecto foi de 40.030,75 € e foi financiado polo Fondo Social Europeo Plus (FSE+) a través do programa FSE+ Galicia 2021-2027.

...03

As persoas atendidas neste programa estaban empadroadas nalgún concello da Comarca de Santiago ou nos concellos limítrofes a esta e atravesaban unha situación de vulnerabilidade por ser migrantes (esta situación estaba acreditada por un informe emitido por unha traballador/a social colexiado/a).



26 mulleres
atendidas



26 homes
atendidos

NosOutras: Programa de inclusión e transición ao emprego para persoas en risco de exclusión

O programa NosOutras está dirixido a facilitar a inclusión social e laboral, a participación activa e o desenvolvemento de habilidades e coñecementos que permitan ás persoas en risco de exclusión social, desenvolverse na sociedade e mellorar o seu nivel de empregabilidade.

Para a consecución deste obxectivo, desenvólvese un programa artellado en torno a unha serie de accións grupais e individuais que se complementan con outros recursos do sistema galego de servicios sociais existente no ámbito territorial de acción.

As accións dentro deste programa están vinculadas á realización de itinerarios personalizados de inserción de cara á mellora do nivel de empregabilidade de persoas en risco de exclusión. Ademais, a entidade leva acabo unha serie de accións de asesoramento e apoio técnico especializado no eido xurídico, formativo e de ocio. As persoas participantes do programa NosOutras poderán acceder complementariamente a estas actividades.

Este programa busca "Inclusión Social e loita contra a pobreza" e ademais, tal e como a Xunta de Galicia establece como prioridade na súa Diagnose do programa FSE+ Galicia 2021-2027, a través da implementación do programa NosOutras, preténdese loitar contra as situacións de pobreza estrutural e severa e contra a privación material da poboación. Búscase

...03

asegurar a protección integral na orde xurídica, económica e social, das persoas e familias en situación de pobreza severa, persoas maiores e grupos especialmente vulnerables ou en exclusión, así como a non estigmatización destas persoas.

Trátase dunha Operación cofinanciada parcialmente co Fondo Social Europeo Plus (FSE+) a través do programa FSE+ Galicia 2021-2027.



Este programa desenvolveuse durante 7 meses con un parón de maio a setembro por cuestións de financiamento. Ten unha duración prevista ata o 30 de abril do 2025.



Foi levado a cabo por 4 profesionais con formación e experiencia na inclusión social e laboral das persoas en situación de vulnerabilidade.



O custe de este proxecto foi de 27.670,62 € e foi financiado polo Fondo Social Europeo Plus (FSE+) a través do programa FSE+ Galicia 2021-2027.

As persoas atendidas neste programa estaban empadroadas nalgún concello da Comarca de Santiago ou nos concellos limítrofes a esta e atravesaban unha situación de vulnerabilidade en base á Lei 10/2013, do 27 de novembro (esta situación estaba acreditada por un informe emitido por unha traballador/a social colexiado/a).



47 mulleres
atendidas



3 homes
atendidos

...03

A TRIBO: Apoio á conciliación no marco do servizo de apoio á inclusión sociolaboral

O programa A Tribo está dirixido a facilitar a conciliación para aquelas persoas participantes doutros programas de inclusión e inserción social e laboral ofertados por Arraianas, como por exemplo NosOutras ou Ayni, encamiñados a mellorar o nivel de empregabilidade de persoas migrantes e persoas en risco de exclusión social.

Pretendemos a creación dun espazo que lle permita ás familias, especialmente ás monomarentais, acceder ao mercado laboral e formativo, reducindo de forma significativa o risco de exclusión e favorecendo o acceso a recursos.

A acción a desenvolver neste programa está principalmente orientada ás crianzas, e estrutúrase a partires de diferentes recunchos, como por exemplo zonas de aprendizaxe musical, científica e medioambiental, de lectura ou de ábaco.

Queremos crear un lugar que favoreza a igualdade de acceso ás oportunidades de toda a infancia e que permita xerar e crear coñecementos e aprendizaxes significativas importantes de cara ao desenvolvemento integral.

No caso de menores con algunha dificultade nos procesos de aprendizaxe das linguas, pretendemos unha mellora partindo dunha metodoloxía activa. Ademais, a entidade leva a cabo outras actividades ás que poden acceder as crianzas de forma complementaria, e en función das súas necesidades, como é o reforzo socioeducativo para menores.

Este programa busca "Inclusión Social e loita contra a pobreza" e ademais, tal e como a Xunta de Galicia establece como prioridade na súa Diagnose do programa FSE+ Galicia 2021-2027, a través da implementación do programa A Tribo, preténdese loitar contra as situacións de pobreza estrutural e severa e contra a privación material da poboación. Búscase asegurar a protección integral na orde xurídica, económica e social, das persoas e familias en situación de pobreza severa, persoas maiores e grupos especialmente vulnerables ou en exclusión, así como a non estigmatización destas persoas.

Trátase dunha Operación cofinanciada parcialmente co Fondo Social Europeo Plus (FSE+) a través do programa FSE+ Galicia 2021-2027.

...03



Este programa desenvolveuse durante 6 meses con un parón de maio a novembro por cuestións de financiamento. A duración prevista é ata o 30 de abril do 2025.



Foi levado a cabo por 1 profesional con formación e experiencia na intervención con poboación infantil e xuvenil.



O custe de este proxecto foi de 7.827,52 € e foi financiado polo Fondo Social Europeo Plus (FSE+) a través do programa FSE+ Galicia 2021-2027.

As persoas atendidas neste programa estaban empadroadas nalgún concello da Comarca de Santiago ou nos concellos limítrofes, participaban nalgún dos proxectos de inclusión de Arraianas e/ou atravesaban unha situación de vulnerabilidade en base á Lei 10/2013, do 27 de novembro (situación acreditada por un informe emitido por unha traballador/a social colexiado/a).



24 familias
atendidas



14 familias
monomarentais
atendidas



30 menores
atendidas/os

Nnabata. Programa de atención integral a persoas migrantes

Programa de acompañamento integral dende os ámbitos xurídico, social e psicolóxico, dirixido a facilitar a inclusión social, a participación e o desenvolvemento de habilidades e coñecementos que lle permitan ás persoas migrantes desenvolverse na sociedade de acollida. Dito programa componse de tres eixos fundamentais:

...03

Asesoramento xurídico: servizo especializado en materia propia de estranxeiría e Protección Internacional (PI), vinculado tamén con múltiples especialidades do dereito civil, laboral, administrativo, etc., facilitando así unha atención completa.

Atención psicolóxica: servizo que actúa como eixo artellador da intervención, facilitando o restablecemento da capacidade de afrontamento e desenvolvemento funcional e social na procura da reconstrución do proxecto vital das persoas migrantes, o cal se ve afectado polo estrés aculturativo que implica o proceso migratorio e a adaptación á nova situación.

Acompañamento social: a través da orientación social individualizada búscase facilitar información e apoio na xestión de recursos de primeira necesidade e recursos/axudas económicas ou sociais, tamén no funcionamento das Administracións Locais, do Sistema Educativo Galego, do Servizo Galego de Saúde (SERGAS), do Servizo Público de Emprego Estatal (SEPE), etc. así como noutros recursos aos que poidan acceder e que sirvan para ampliar a súa rede social de apoio, facilitando a súa plena integración social.

A Deputación da Coruña financiou un 79% do total do custe do programa Nnabata. O 21% restante foi financiado por Arraianas.



Este programa desenvolveuse ao longo de 8 meses no ano 2023.



Foi levado a cabo por 3 profesionais con formación e experiencia na inclusión social e laboral das persoas migrantes.



O custe de este proxecto foi de 18.843,23€ e foi financiado pola Deputación nun 79% con 14.886,15€ e nun 21% por Arraianas con 3.957,08€.

...03

As persoas atendidas neste programa son migrantes, incluídas as solicitantes de Protección Internacional e persoas en situación administrativa irregular.



33 mulleres
atendidas



9 homes
atendidos

Mulleres na Raia: Encontros participativos

Este programa nace para dar resposta á necesidade presentada polas mulleres que participan dos proxectos de Arraianas para a creación dun espazo seguro no que poder compartir as súas experiencias.

Este espazo ten por finalidade incrementar a rede de apoio entre mulleres, na procura dun maior desenvolvemento persoal e social e de cara a afrontar os proxectos de vida e as dificultades inherentes ao feito de ser muller.

Así, con este programa buscouse:

- Mellorar o benestar emocional das mulleres de cara a afrontar de xeito máis favorable situacións persoais, familiares e sociais, a través de espazos grupais e comunitarios.
- Propoñer situacións que faciliten de xeito global, o apoderamento e o desenvolvemento persoal das mulleres.
- Fomentar a participación activa das mulleres sobre a súa contorna a partires da achega de ideas, accións ou propostas de transformación visibles para o resto da cidadanía.

Trátase dunha acción financiada polo Concello de Santiago de Compostela dirixida ao desenvolvemento de actividades que promoven a igualdade de xénero na contorna.

...03



Este programa desenvolveuse durante os meses de verán dende maio, xuño e xullo.



Foi levado a cabo por 2 profesionais con con formación e experiencia na intervención con mulleres e contextos de violencia.



O custe de este proxecto foi de 2.434,05 € e foi financiado polo Concello de Santiago de Compostela.

As mulleres atendidas neste programa eran mulleres migrantes e estaban empadroadas no Concello de Santiago de Compostela.



10 mulleres
atendidas

Proxecto Ardora: Unidade de Prevención de Conductas aditivas

Dito proxecto ten como zona de implementación os concellos de Curtis, Sobrado dos Monxes, Silleda e Vilasantar, constando de dous piares fundamentais. Por unha banda, a Unidade de Prevención de Condutas aditivas, situada físicamente na sede que a entidade ten en Santiago de Compostela.

Por outra banda, o Proxecto Ardora inclúe a implementación de diferentes programas da Carteira de Servizos, a saber:

No eido educativo:

–Saúde na escola (PPCEE). As actividades deste programa están enfocadas á intervención co alumnado dos centros educativos así como á poboación mediadora coa finalidade de promover a adopción de estilos de vida saudables, potenciando diversos factores de protección e reducindo o impacto dos factores de risco presentes.

...03

–Non pasa nada, pasa algo? Dirixido ao alumnado de 4º de ESO, a través de diferentes sesións afóndase nos mitos e crenzas sobre as drogas, na evolución condutual do uso á dependencia das diferentes substancias así como nas habilidades de afrontamento que aparecen na Carteira de Servizos. Pode intervirse tamén co profesorado e as familias unha vez feita a análise das necesidades do centro escolar e as posibles situación de risco detectadas.

–Aloumiños (programa propio da entidade). Dirixido ao alumnado de 2º de ESO ten por obxectivo xeral facilitar o desenvolvemento de ferramentas de afrontamento e protección ante situación de consumo, xogo patolóxico, violencia e/ou maltrato favorecendo o aumento da autoestima, o autocoidado e a capacidade para recoñecer os indicadores de risco que alertan destas problemáticas.

No eido xuvenil:

–Activa. Ten como actividades: a elaboración e difusión de material didáctico e divulgativo de carácter preventivo, buscando favorecer hábitos de vida saudable e o bo trato. Formación de mediadoras e mediadores xuvenís. Información e promoción de actividades de ocio saudable.

No eido familiar:

–Máis que un teito. Dirixidas á poboación adulta (pais, nais e titores/as) con crianzas entre 5 e 12 anos que acudan aos CEIP dos distintos concellos nos que opera o Proxecto Ardora.

–En familia, todxs contan. As actividades deste programa van dirixidas á poboación adulta (pais, nais e titores/as) de familias con fillos e fillas adolescentes que se atopan en situación de risco en relación co consumo de substancias nocivas para a súa saúde.

–Entre todxs. Intervención terapéutica dirixida a familias dos diferentes concellos nas que se presente algún patrón de consumo aditivas empadroados nos distintos concellos nos que opera o Proxecto Ardora. Serán persoas derivadas dos servizos sociais de base ou dos equipos de orientación dos centros educativos.

Poboación xeral:

Información relacionada co Proxecto Ardora e sensibilización no eido da prevención do desenvolvemento de condutas aditivas.

A Consellería de Sanidade financia o 94% do custe total do proxecto, sendo aportación propia da entidade o 6% restante.

...03



Este programa desenvolveuse durante todo o ano 2023. Ten unha duración prevista ata 30 de xullo do 2025.



Foi levado a cabo por 2 profesionais con formación e experiencia na prevención de conductas aditivas



O custe de este proxecto foi de 35.569,13 € e foi cofinanciado pola Consellería de Sanidade nun 94%, sendo aportación propia da entidade o 6% restante.

Atendéronse con este proxecto a persoas empadroadas ou habitantes dos concellos de Curtis, Sobrado dos Monxes, Vilasantar e Silleda e poboación xeral que cumpra os requisitos propios de cada unha das actividades formativas/informativas.



102 mulleres
atendidas



77 homes
atendidos

ACTIVIDADE DE SENSIBILIZACIÓN: A vinganza das raíces cadradas

Charo Cuba Penabad, natural da parroquia de Somede no concello de As Pontes, vén dunha familia na que a migración tivo un papel fundamental. Este feito, unido á súa participación en obradoiros de escrita na biblioteca do concello natal, deu como resultado unha serie de narracións que publicou no libro "A vinganza das raíces cadradas". A súa xenerosidade fixo que os beneficios da venda do mesmo foran para a asociación Arraianas ao considerar a autora a importancia da labor que fai en prol dos dereitos das persoas migrantes. Así, o día 10 de febreiro levouse a cabo a presentación do libro na Casa do Taberneiro, con gran éxito e afluencia.

...03

ACTIVIDADE DE SENSIBILIZACIÓN: Mulleres de Afganistán: Relatos de Activistas pola defensa dos Dereitos Humanos

A través desta xornada de sensibilización dunha duración de catro horas que tivo lugar en Santiago de Compostela, pretendeuse sensibilizar a sociedade das experiencias e das narrativas daquelas mulleres activistas afgás que defenderon os dereitos humanos nun contexto non tan coñecido na sociedade de acollida e fomentar a perspectiva de xénero e a interculturalidade a través do coñecemento de diferentes experiencias vitais de mulleres refuxiadas.

Así, déuselle voz a mulleres que traballaban no ámbito da defensa dos dereitos humanos e concretamente, na defensa dos dereitos das mulleres, as cales se viron obrigadas a abandonar os seus traballos e os seus fogares polas ameazas e o medo a sufrir persecucións por terse posicionado como activistas feministas.

Con actividades coma esta, a entidade pretende reivindicar o papel transformador das mulleres na sociedade poñendo en valor o seu traballo como axentes de cambio.



Esta actividade levouse a cabo o venres 26 de maio na Sala de Conferencias da Sede de Afundación na Rúa do Vilar, 19 en Santiago de Compostela.



Foi levado a cabo por 1 profesional de Arraianas da man de 3 activistas afgás, unha moderadora e unha intérprete de farsi.



O custe de este proxecto foi de 3.500 € e foi cofinanciado pola Unidade de Atención ás Migracións (UAMI) do concello de Santiago de Compostela.

...03



Participaron na xornada ao redor de 50 persoas

Outras intervencións desenvoltas polas profesionais da entidade

Recóllense aquí, todas aquelas actividades que pola súa natureza ou polas características das persoas demandantes, non poden ser encadradas dentro de ningún dos proxectos anteriormente descritos.

As intervencións enfócanse dende una perspectiva de acompañamento para aquelas necesidades de carácter social, xurídico ou psicolóxico que sexan demandadas ou detectadas ben por persoas físicas ou entidades demandantes de servizos. Son sinaladas dentro deste documento dado que se consideran de suma importancia polo seu volume, o cal sinala ao noso parecer, a necesidade de ampliar ou reforzar este tipo de servizos.



Estas atencións a cargo da entidade, realizáronse ao longo de todo o ano 2023.



Foron levadas a cabo por 4 profesionais dos eidos xurídico, educativo, social e psicolóxico.



115 persoas atendidas

...03

Contratos privados

Arraianas foi contratada por outras entidades do terceiro sector para desenvolver diversas actuacións relacionadas cos procedementos administrativos das persoas migrantes.



Esta actividade levouse a cabo durante o último trimestre do ano 2023.



Foi levado a cabo por 1 profesional de Arraianas área xurídica.



O custe desta actividade foi 5.857 € e foi financiada polas propias entidades que contrataron os servizos.



30 persoas atendidas

Atendéronse en total, ao longo de tódalas actividades desenvoltas por Arraianas ao longo do ano 2023 a 545 persoas.

04

Equipo Humano

Ademais das 91 persoas que conforman a Asemblea e das 4 integrantes da Xunta Directiva da mesma, imos describir a continuación ao resto do equipo humano de Arraianas tanto persoal laboral como en prácticas e voluntariado.



En canto ao persoal laboral da entidade catro persoas estiveron contratadas coa categoría profesional de Grupo 1 (2 Educadoras Sociais, Psicóloga, Avogado e Traballadora social) e unha con Grupo 3 (Monitora de actividades).



Dende o 01/11/2023, 5 contratos pasan a ser indefinidos agás un de grupo 1 que era temporal por circunstancias da produción.



Foi contratada unha profesional con contrato de arrendamento de servizos para a docencia dunha formación.

En canto ao voluntariado, ao longo de este ano 2023, participaron con nós 17 persoas en diversas actividades. Tamén fixeron prácticas con nós tres persoas, da UNED, da UOVI e do CIFP Compostela.




...04


Retribución do equipo humano

As persoas que compoñen a xunta directiva non perciben ningunha retribución polas súas funcións.

A continuación expóñense as retribucións de tódalas integrantes do equipo humano de Arraianas.



Expóñense no seguinte gráfico os meses de contrato durante o 2023 do equipo humano.



05

Medios materiais


A Asociación Arraianas dispón dun local de oficinas e aulas en réxime de arrendamento, equipado para poder desenvolver a súa actividade.



Rúa Pexigo de Arriba, 32, baixo. 15703, Santiago de Compostela


Datos Económicos 2023

INGRESOS



Total Ingresos:
154.008 €

GASTOS



Total Gastos:
148.101 €

06

Cumprimento dos fins

No desenvolvemento dos programas levados a cabo pola entidade, atopamos un achegamento aos fins así como ao seu cumprimento.

Dunha banda, no perfil das persoas participantes destaca a participación de persoas migrantes nos programas da entidade, atopándose na súa maioría en risco ou situación de exclusión social. Concretamente, fíxose unha aproximación á realidade das familias monomarentais a través dos programas de inclusión sociolaboral e do programa de conciliación, promovéndose así a perspectiva de xénero.

En canto á promoción da participación, a entidade mantivo os contactos e o traballo en rede coas entidades e administracións dos anos anteriores, especialmente cos Servizos Sociais do Concello de Santiago de Compostela e, ademais, engadiuse á listaxe a Consellería de Sanidade. Do mesmo xeito, leváronse a cabo diferentes actividades de sensibilización, favorecendo así ditas redes e facilitando que poidan ampliarse.

Por outra banda, grazas ao proxecto Ardora financiado pola Consellería de Sanidade e a propia entidade, cumprese co fin de promover a saúde individual e colectiva mediante actividade de prevención de condutas aditivas e a promoción de hábitos de vida saudables.

En conclusión, dende a perspectiva do cumprimento dos fins estatutarios houbo unha axeitada aproximación por parte da entidade aos mesmos.



Grazas pola confianza!

Email

arraianas@arraianas.org

Redes sociales

@arraianas_asoc

Teléfono

981.93.60.34